



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CCCXXXV. Die Vormünder der Kinder Tyde Wolters zu Salzwedel setzen  
einer Frau in Lüneburg eine Rente aus, am 22. Februar 1440.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

gnade giff myssen stedes to toholdende, so vakene des nod wert synde, to beuelende vnde deme suluen presteren effte synen nakamelingen, hebbet der Commenden, alsodane vorbenomde Rente alle Jarlikes, na vthwisinge vorsegelder breue vppe de Renten gegeuen, gutliken vnde wol to dancke to entrichtende vnde to geuende: vnde de beuelinge der erbenomden Commenden vnde Almyssen to donde beholt de erbenomede Clawes in dussene breue, so vakene des behoff is, syk vnde synes lyues eruen, vnde Na der aller dode, vnde nicht er, schal alfolk beuelinge to donde komen vnde vallen an vns vnde vnse nakomelinge, de denne eneme vromen Presteren to beuelende: vnde weret denne, dat folke vorbenomede vesteyn mark penninge Jarliker Renten vns offte vnser nakomeligen in tokomenden tiden na vthwisinge des houetbreues worden wedder affgekofft edder wy der bi vns an vnser Stad Renten nicht lenger beholden vnde hebben wolden, so scholden vnde wolden wy vnde vnse nakomelinge van stund, wanne wy des to Rade worden vnde des to donde were, de houetsummen, dar de ergeschreuen Rente vor gekofft is, truwelken vnde mit gantzeme vlite mit hulpe vnde na Rade Clawesses, erbenomet, vnde des Presters, deme des Commenden beualen is, an gude wyffe Rente, to der suluen Commenden behoff, dar ewigliken bi to bliuende, wedder beleggen vnde bestellen. Dar vor vnde wenne wy denne godes denft io truwelken gerne vorderen, meren vnde vort setten scholden, desse ergerorden dinge vnde beuelinge in ewiger dechtyffe vnde bliuender bestendigeit to hebbende vnde to holdende vnde to bestellende, dat de sulue Commende williken beualen, vorwaret vnde belesen wert, hefft de erbenomede Clawes to vnser vnde vnser nakomelinge behoff gemaket ene mark penninge Jarliker Rente der erbenomeden weringe, de to delende vnde to geuende Alle Jarlikes den sittenden Radmannen vnde deme Scriuer, wenne sik de Rad scheidet. To erkunde vnde withliker bliuinge alle duffer vorschreuen dinge hebben wy Radmanne vorbenomet vnser Stad Ingefelgel williken mit gudeme willen hengen laten an dussen bress, Na godes bord verteynhundert Jare, dar Na in deme vertegesten Jare, Am hilgen dage der befnydung vnser heren.

Nach dem Original des Salz. Archives XXV, 33.

CCCXXXV. Die Vormünder der Kinder Tyde Wolters zu Salzwedel setzen einer Frau in Lüneburg eine Rente aus, am 22. Februar 1440.

Wii Radmanne to Soltwedel Bekennen apenbar in dussene breue, tugende vor alszweme, dat vor vns synd gewesen vnse leuen medebesworne Tyde wolter, de Junge, Dyderick Lagendorpe vnde vnse medeborger Tyde Hans wolters, vormunder zeligen Tiden wolters kynder, vnde hebben bewiset vnde bewisen in dussene breue van wegen der suluen kynder ene mark penninge ewyger vnde Jarliker rente vnser Stad weringe, de zee hebben in deme erue Clawesses schaukens, vnser medeborgers, belegen bi Bernde Bolke, der Erliken vrowen Margareten, Hinrikens Beren, borgers to Lüneborg, elyke Husfrowen, In duffer wise, dat zee de vorgeschreuen mark penninge renten jarlikes van deme genomeden Clawesse effte synes vorbenomten eruen besitter, na vthwisinge der vorsegelden Houetbreue dar auer gegeuen, vthmanen, vphheuen vnde der rouwelken zunder der vorbenomden kinder hindernisse effte vorbedent gebuken schal

vnde mach de tiid auer eres leuendes vnde na orem dode an de suluen kynder eder wor zee van rechtes wegen an vallen mogen vallen vnde komen. To őrkunde vorfegelt myt vnser der Oldenstad Ingefegel wiliken gehenget an dussen breff, Na godes bord verteynhundert In deme vertegeften Jare, Am mandage na deme Sondage, alle man in der hilgen kerken singet Reminiscere.

Nach dem Originale des Salzwedeler Archives XLI, 10.

CCCXXXVI. Der Rath zu Salzwedel verkauft einem Commendisten der Gewandschneider-Gilde wiederkäuſlich eine Rente, am 20. Dezember 1440.

Wy Hermen Chuden, Hans alinxtede, Tyde wolter, kersten schulte, werner wittekop, diderick lagedorpe, Clawes kolnyr, Ermbrecht ſchernekow vnde Tyde wolter, Radmanne der Oldenſtad Soltwedel, bekenne openbar tugende vor alſzweme, dat wy mit vulborde vnde nach Rade der oldeſten vnſes Rades recht vnde redeliken vorkofft hebben vnde verkopen mit macht diſſes breues in vnſer ſtad jarlike tinſen, rente vnde guder deme Erlige prietere, hern henninge mechowen, comendiſten der comenden der wantſnyder gilde mit vns in vnſer ſtad, vp der comenden behoff, Teyn mark geldes jarlige Renten vnſer ſtad weringe vor Twehundert mark penninge der ſuluen weringe, de vns van den Teſtamentarien zeliger herrn Arndt moller wol betalet ſyn vnde vord in vnſer ſtad behoff gekeret hebben. Duſſe Teyn mark penninge vorbenannte jarlige tinſe ſchullen vnde willen wy vnde vnſe nakomelinge vnſes Rades deme genomeden hern Henninge eder ſynen nakomelingen, hebbere der vorbenomden comenden, alle jarlige vth vnſer ſtad Rente van vnſem Rathuſe to veer tyden des jares, alle to paſchen neiftkomende, Sunte Johannis baptiſten, Sunte michaehlis daghe vnde to wynachten dar neiftuolgende, to eener iowelken tyd twe punt penninge vorbenannte weringe, gutliken vnde wol to dancke entrichten vnde betalen, doch alfo mede Innbeſcheden, wen wy eder vnſe nakomelinge des Rades de ſulue Teyn mark penninge jarliker tinſe weder affkopen willen, ſo ſchollen wy dem vorbenomden hern henninge oder ſynen nakomelinge, alle vorgelchen is, de erbenanten Twe hundred mark pennige houetſtuls vp der ſuluen comenden behoff, de denne na vnſzem Rade an gude wiſſe Rente weder to beleggende, ſo dat folk Rente io ewichliken by der comenden bliuen moge, mit aller bedageden Rente vull vnde all weder entrichten vnde betalen: vnde wanne dat alfo geſchen is, ſchollen vns, vnſen Rathuſe vnde vnſer ſtad de ſulue Teyn mark jarlike tinſe weder loos vnde vry ſyn. Duſſes to merer bekenntaiſſe hebben wy vorbenannten Radmanne vnſer ſtad Ingefegel wiliken laten hengen an dussen breff, Na godes bord verteynhundert Jar In deme vertegeften Jare, am Auende ſunte Thome des hilghen Apoſtels.

Nach dem Originale des Salzwedeler Archives XIV, 31.